

aditzea badut

Xabier Lasa

Mumia eta gertuagokoak

Egunak daramatzat nire inguruko EITBko kontsumitzaileen artean galdezka, ea bakan bat topatzen dudan Iparagirre Sariei ustez boza eman dieten lau mila internauta horietatik. Basamortuko alferrikako erromesa da nire. Huskeria, hala ere, 82an AEBetako heriotzaren korridorean gurutze bide makabroan jarri zuten Mumia Abu Jamalen aldean. Izatez, bidegabekeriaz atxilotu eta zigortu bitartean Filadelfiako irrati esatari independente hau *persona non grata* baitzen agintari kontserbadoreentzat. Egunotan jakin da giza eskubideen ikur bihurtu den

HIZTEGIAREN BILAKAERA

Kriminalizazio prozesuaren abiadurak nola bizkortzen diren

Donostiako Herri Irratiko Mariano Ferrerren urteko azken komentarioko azken hitzei inoiz gutxitan bezalako barne tristura eta profezia ezkorren kutsua zerieten: egun latzak datozkio disidentziari. Egiakzi, oso epe motzean, tximistaren abailan doa kriminalizazio prozesua. Konparaziorako, hiztegiari soilik erreparatuz gero, non geratu ote da *tolerantzia* hitza, modernitateko heretikoei eskarnio publikoa ezartzeko erabili izan den anatema?

idazle eta hizlari fin honi epaileak beste behin atzeratu egin diola heriotza zigorra betetzea. Mumiak atseginez jasoko lituzke elkartasun mezuak, eta batik bat epaileari zigorra betiko bertan behera uzteko eskaerak bidaliko bagenizkio. Eskertuko luke, halaber, EITBko kolegek bere aldeko kanpainatxo informatiboren bat egingo balute. Etxe honek lehen urratsa egingo du dagoeneko, makineria koipezte alegia, nola minbiziak jotako haurren aldeko elkartasun kanpainarekin, hala heriotzaren korridorean dagoen Ibarri eginiko elkarriketarekin. Su-etenaren garaian hain jatorrak ziren euskal presoak eta preso ohiak sikiera Eguberrietan gogoan hartzea baino lehena-go gerta daiteke EITBk Mumiari arretera jartzea.

URTEZAHAR GAUA. ETB1ean Unax Ugalde eta Barbara Goenaga izango dira kanpaietako gonbidatu bereziak

2002. urteari ongietorria

‘Sorginen Laratza’-ko lan taldeak hirugarren urtez jarraian gidatuko du Urtezaharreko saioa

Urtzi Urkizu | DONOSTIA

Bihar amaituko zaigu urtea eta, beti bezala, telebista kateek programa bereziak prestatu dituzte Urtezahar gauerako. ETB1ean bihar arratsaldean pala eta pilota partiduak emango dituzte. 20:50ean *Umorethoia 2001* eskainiko dute, eta *Kaixo 2002* programa 23:15ean hasiko da. Azkeneko bi urteetan bezalaxe, *Sorginen laratza* magazineko taldeak hartuko du saio hori egiteko ardura.

Aurtengo nobedadea platoa *Erreka Mari* luxuzko ontzi handia bihurtuko dutela izango da. Bertara Unax Ugalde eta Barbara Goenaga aktore gazteak gonbidatuko dituzte, eta eurekin ospatuko dute 2002. urterako sarrera. Ondoren, Inaxio Perurena (Iñakiren semea) 240 kiloko harria altxatzen saiatuko da. 17 urterekin, inoiz ez du halako pisurik altxatu eta errekorra ezarriko luke Inaxiok. Saioan hainbat pertsonaia ezaun pasatuko dira *Erreka Mari* ontzitik: Abel Barriola pilotaria, Joseba Apaolaza eta Anabel Arraiza aktoreak, Arantxa Urretabizkaia idazlea, *Bertatik bertara* saioko Andoni Aizpuru eta Nerea Iriarte aurkezleak, Ilaski Serrano eta abar. Anjel Alkain, Asier Hormaza eta Martxelo Sotesen umorea ez da faltako. Musika, berriz, Kepa Junkerak, Mikel Urdangarinek eta Uga eta Triki ta Ke taldeek jarriko dute.

Bi abesti *bitxi* ere kantatuko dituzte: Paulian Rubioren *Y yo sigo aquí* kanta euskarara egokitu du Jasone Osorok, eta Xabier Euzkitzek eta Estitxu Fernandezek abestuko dute (*Urteberriak tentatu gaitu*). Anjel Alkainek Elton Johnena egingo du, eta Ilaski Serranorekin



Sorginen laratza saioko lankideak, *Kaixo 2002* Urtezahar gaueko programa prestatzen.

batera kantatuko du. *Kaixo 2002* saioa 01:35 aldera bukatuko da. Jarraian *Lido Paris: 50 urte goiari eutsiz* ikuskizuna emango dute. 02:25ean, berriz, Tropicana ikuskizuna ikusteko aukera izango da.

Donostia, Bilbo eta Gasteizko alkateak txiste kontari ETB2an

ETB2an bihar gauerako bi saio prestatu dituzte. 21:45ean *Zombados especial* nochevieja emango dute, urteko broma barrerarienekin. 23:00ak aldera

gastelaniazko *Kaixo 2002* hasiko da. Jorge Fernandez eta Yolanda Alzola izango dira saio horretako aurkezleak. Iñaki Azkuna Bilboko alkatea, Odon Elorza Donostiakoa eta Alfonso Alonso Gasteizkoa txiste bana kontatzen saiatuko dira. Txiste kontari lanetan jarriko dituzte Juan Maria Atutxa, Martin Berasategi, Pedro Subijana eta Juan Jose Castillo ere. Umorea izango da saioko ardatza. Umoristak, pertsonaia ezagunak eta herriar anonimoak txisteak

kontatzen arituko dira gauean. Musika La Compañía taldeak jarriko du, urtean ezagunak bihurtu diren abestiak kantatuz. Gainera, Jorge Fernandez aurkezleak abesti bat kantatzen duen bitartean, Yolanda Alzolak, salsa erritmoan, dantza egingo du. *Esta es mi gente* saioa aurkezle Emma Garcia ordiziarrek, bestalde, *Quizás, quizás* kantaren bertsio bat abestuko du. Goizaldeko 02:00ak aldera bukatuko da ETB2ko *Kaixo 2002*.

GAINERRAKO
KATEEN ESKAINTZA

TVE1. 21:30ean *La verbena de la peseta* saioa emango dute, Cruz y Rayarekin. 22:40ean *Con La Primera al 2002* saioa hasiko da: hamar orduz, kantari ugari izango dira. Kanpaiak Ramon Garcia bilbotarraren eta Paloma Lagoren esku geldituko dira.

LA2. 22:30ean *Gorilas en la niebla* filma emango dute, 01:00etan *Prisma* elkarrizketa saioa eta 01:30ean *Sexo loco* filma.

A3. 22:00etan *Los Simpson* berezia, eta 22:30ean urteko irudi dibertigarrienak, *La batidora* saioan. Kanpaiak, Mar Saura, Monica Martinez eta Manu Carreñoren esku. Eta ondoren Espainiako kantari ugari bilduko duen gala.

T5. Maribel Casanyk eta Fernando Acasok agurtuko dute urte berria. Ondoren katean emandako galetako saio onenak berreskuratuko dituzte.

TF1. 21:00etan *120 minutes de bonheur* saioa izango da, ehunka gonbidaturekin. 00:25etik aurrera 1998an Bercyn grabatutako Michel Sardouren kontzertua.

F2. *Soirée spéciale Réveillon* saioa 20:55ean hasi eta 01:15ean bukatuko da. Kantarien artean Jennifer Lopez, Cher eta Mariah Carey egongo dira.

F3. Zinema izango da gau osoan: 21:00etan Victor Fleming *Autant en emporte le vent* filma emango dute. 00:35ean Vincent Minelliren *Brigadoon*.

M6. 00:05ean Britney Spears kantariaren kontzertua eskainiko dute.